


竹澗集  
天



竹澗集序

蓋夫人於先入之俗習變之爲難而去世守之偏議爲尤  
難夫何人能之曰識見高明者能之識見何由而明必資  
學問而造之此人不可以不學問也余畏友竹澗居士申  
天錫氏卽其人也生稟超穎貌古氣淳意志堅確早嘗摳  
衣於素堂金先生之門得聞心性理氣之說精深透悟承  
誨輒覺篤信深契德器成就同學者莫之先焉遂成一鄉  
之善士真所謂不問可知爲先生弟子也觀其詩躬行之  
餘所存所思多發於諷咏焉不拘聲病直寫己意不甚剪  
裁遇物輒成諷咏之間自不害爲任真也皆平淡而理勝  
簡潔而近古清新而俊逸條暢而優雅無非自旨諱中出  
非尋常繪藻之手所可擬議也觀其書簡而不俚正而不

浮雄健正重錚然有金石聲所養既深所見亦卓根於心  
 發於文辭者高古冲澹温厚雅贍蔚然成家有古作者之  
 風余徐思之君子貴立言立言者名不朽今是稿之傳足  
 以動人耳目垂耀後世其視僥倖富貴誇詡一時死無令  
 名者不啻霄壤矣公之嗣胤秦赫君袞粹擢掖於斷簡爛  
 紙中爲若干編而並附諸人挽誄合爲一局以付剞劂氏  
 之公傳欲藏其家而世守之以圖不朽其用心也厚矣屬  
 余弁卷之文顧以襪線之才安能措一辭於其間哉以余  
 粗知始末請之甚牢豈可以不文辭雖然此稿雖數少而  
 一斑一鬢皆足以識豹文而嘗鼎味何必多乎哉吾與公  
 生長同閉受業同塾竹馬故舊莫逆交也興感之深安敢  
 辭玄晏之役我不避佛頭鋪糞之譏臚列書之如此云爾

甲寅元月上泮友人仁川蔡鎮斗序

穹壤翻覆義理論喪有志之士不見知於世而藏修林泉者多矣竹澗申公躬經孝悌傳誦詩書竟捐几案於上黨文博山中卽近世逸民之一也歟其傾心託契者將欲攷其嘉惠文字矣其胤泰赫抱遺文屬余掃塵重之以玄晏之托嗚呼惜哉何其寂寥也其將以是了其人也耶公生長翰墨之闕服習儒門規度出入鴻陽梨汀文席之間獲聞篤志踐實衛斥尊攘之義其於爲人之方濟世之畧慥慥而丁時百六未得展布於世埋沒草野所謂天地蔑貞遯世無憫者非耶然則公之爲學之大槩處世之範疇固可默揣也是書乃公之餘事而譬如霧中玄豹特露一斑丹穴故讀之者莫不興起而珍藏之况余共追隨於鴻陽

春風之日久者予以故不得辭其責而校勘有日其偉卓之志耿介之風九原難作足以有辭放來世也實非如俗輩之文章言語浩如烟海千萬簡帙然全沒學問之巴鼻陰陽之抑揚者則終不免春秋之鈇鉞後人之嘲笑矣以此觀之文藝之不足恃者有如是而其得失大小何如哉公之所以爲公者不在乎文詞此稿之有無實無關乎公而况蕪辭弁弓又何足爲輕重也哉然知公者莫余若所以不避僭妄而當之公諱天錫字敬禹其先鵝洲人也

癸丑元月日靈川申揚休謹序

竹澗集卷之一目錄

詩

螢

少雨  
二首

秋聲

蟋蟀

高檜

小泉

鷺子

鵲雛

溪上少雨

竹間清風

竹澗集卷之一

目錄

養蚕

馴犢

端午

打麥

圍棋

喜雨

開城杜門洞書院初建韻

雪花

春暖

落花

桃花

觀俗離山

隱瀑

閒峙齋舍重建韻

梨亭祠初建韻

敏菴朴榮鎮先祖持平友賢殉節後豎碑韻 二首

聞慶茂林族先祖北軒亭韻

訪族叔松雲在莢

訪星山南廷大

訪韓相基

春圃孔聖學晬宴韻

藍谷李聖錫晬宴韻

東山尹台鉉晬宴詩

芝山李明求晬宴詩

李 明 求 晬 宴 詩  
目 録



申星植家大人晬宴韻

巨川族兄冕錫初度韻 二首

楠溪申昌模初度韻

晬朝感吟 二首

從弟經錫晬日

謹賀李明求忠北道知事赴任

楠亭族侄泰利六一初度詩

錦圃洪淳錫壽詩

族弟彰錫晬宴韻

李起遠晬宴韻

申亮雨晬宴韻

龜尾族兄聲遠六一初度韻

松隱金正顯壽詩

與松雲族叔共吟于楠亭族侄泰利家

與琅隱柳錫昫共吟于族侄泰東家

謹和朴敏菴榮鎮咏我先大人倩書墓文韻

松雲族叔在英楠亭族侄泰利見訪連吟二首

毅齋蔡鎮斗醉宴韻

輓再從弟貫錫

輓朴世鎮

輓義城族丈光鎬氏

輓退雲族弟學錫

輓義城族丈鍾善氏

輓素堂金先生

輓惺菴朴先生

輓覺齋申泰求

輓藥湖李禧承

輓趙漢淑

輓星山南廷大

輓義城族丈相鎬氏

齋村八景

院東綠竹

山西老松

石澗流水

露積青山

歸來朝暉

仙洞落照

魚隱歸雲

大王長烟

送族人定基義源嶺南

北亂後本邑鄉校重修韻

金興培家大人六一初度韻

與申商雨述懷寄示

歲暮日寒偶然述懷謹呈松雲族叔在英

冬夜憶楠亭族侄泰利仍成此拙以備一粲

除夕

輓族丈秦彥氏

呈李承晚大統領生朝韻

丁山朴進陽晬宴韻

丁山朴進陽晬宴韻

目錄

四

輓敏菴朴榮鎮

逸齋洪鍾圭  
醉宴韻

族弟箕錫  
醉宴韻

義城族先祖槐軒公  
堅碣韻

輓族叔在冕

申元植  
醉宴韻

與松雲族叔在英  
共吟

金鴻洙  
醉宴韻 二首

崔勉鎬  
醉宴韻

墨泉申存植  
醉宴韻

族弟大錫  
醉宴韻

與琅隱柳錫昫楠亭族侄泰利  
共吟

輓族大父珮煥 二首

金澤鉉晬宴韻

李在龜晬宴韻

謹和義城族人丹臯基鳳

輓定堂金先生 二首

輓族兄珠錫

輓李公俊熙氏

儉巖書院重建韻

多安堂宋憲玉晬宴韻

族弟洪錫晬宴韻

謹賀趙大衍忠北道知事赴任

楸隱尹時鏞晬宴韻

中庸集卷之二

目錄

五

列泉申萬休醉宴韻

戚侄洪淳業醉宴韻

族侄泰麟醉宴韻

申海澈醉宴韻

謹和春崗金炳朝除夕韻

舍弟甲日

龍菴朴章圭醉宴韻

輓楠溪申昌模代作

輓族弟彰錫

鄭和馨醉宴韻

吳廣根醉宴韻

輓三復菴韓章履

韓相基晬宴韻

竹溪書院重建韻

族弟慶錫晬宴韻

輓竹清族叔在薰氏

直長先祖齋舍重建韻

小汀朴東箕晬宴韻

族兄洪錫回婚韻

金仁卿晬宴韻

卞栢陰 旌閣閣改建落成韻

宋允菴碑閣重修韻

族侄泰東晬宴韻 二首

輓醒巖金丈宅洙氏

中庸集卷之二

目錄

六



竹淵集卷之一

燕岐郡東面老松里敬老堂韻 一名岨湖亭 三首

與松雲族叔在英楠亭族侄秦利共吟

輓族兄洪錫 二首

輓族弟周錫

題卞榮萬孝行事蹟碑竪立後

尚州外西面禮儀洞十景韻

孝峰霽月

國師清風

三嶺暮雨

九灣夕烟

輜巖落照

金鳥歸雲

冷泉翠楠

清溪老柳

城西奇巖

攀巖孤松

謹次永同朴菊堂湖西樓重修韻

與盧小西秉純共訪楠亭族侄泰利家因宿共吟

尚州按廉先祖墓祀叅拜時道中感吟

謹賀李成宰家大人六一生朝

江陵春圃崔仁澈八一壽韻

輓松雲族叔在莢

輓宋在愚

與楠亭族侄泰利韓相基吳泳甲共吟

輓溫齋李鐘萬

族弟聖錫晬宴韻

細屨

織席

謹次成均館丁未秋期釋奠後詩會韻

輓絅菴卞榮寅

輓道長齋朴元圭

題趙炳天孝行事蹟碑豎立後

宋淵齋文忠祠落成韻

輓朴公聲夏氏

江坪朴冑榮晬宴韻

輓族弟大錫

族侄泰閔晬宴韻

甥侄金寬濟壽日

卞鍾泌慈母影幀閣落成韻

梁省齋政煥六一生朝韻

尹起五回婚韻

草溪君祠宇重修落成韻

長子泰赫壽日

謹次小棠族叔在弘氏年譜原韻

從侄泰壹壽日

輓琅隱朴文圭

甥侄世濟壽日

輓族弟鴻隱箕錫

韓仁教壽筵

輓族侄楠亭泰利

誄族侄泰日

族弟東錫壽筵

竹澗集卷之一

詩

螢

無燭又無月書樓獨坐時  
續燈連野遠漁火出溪遲  
暗化陳根腐明尋古路危  
車家囊裡物多謝到山籬

秋雨 二首

早餘來霖霖灌水笠蓑稀  
未潤秧穉葉才沾野老衣  
絲絲隨霧捲苒苒向風歸  
愁見晴空外鳩鳩喚婦飛

夜聞方霖霖朝望更依稀  
未解蘓田穀但能沾客衣  
天心難可測人事竟何歸  
猶恐餘痕在西風捲地飛

秋聲

夜讀歐陽子呼童出戶看  
雨歇雲初宿星稀月欲殘  
蕭條

先入樹冷落似臨灘知是秋聲者宵襟也自寒

蟋蟀

涼來暑往際斯辰有物食蠅而化真善感詩人歌俗儉且  
驚懶婦嘆家貧橫斜逕直成長角潤澤生光正黑身思鄉  
遠客難爲夢月影依佈曙色新

高檜

亭亭時立梨亭東深托蟠根泉石中影散浮雲因皓月聲  
疑細雨帶清風隣爲棗友心相遠體備松姿色不窮甬遇  
良工期有日他時可用帝王宮

小泉

冷泉一氣四時冬轉進不能起野舂汲去山厨供飲食流  
通江海養魚龍令人解渴心常快爲里塞虛村作容餘濕

分添芥壙裡細根潤滑翠莖濃

鶯子

其羽差池遠渡江難忘舊主人山窓姚家隨死重楊雀郭  
女傳詩勝陸狔相近相親如有意飛去飛來不聞楚西陵  
日暮尋巢處月照高樑自作釘

鵲雛

飛意不能一刻支數遷上下綠陰枝俄因虫拾村前止更  
被兒逐出畔移遠客來時噪園樹牽牛逢處塞天池鳴鳩  
嗅雨晴空外維鵲之巢莫奪爲

溪上少雨

溪邊少雨忽霏微乍泥輕塵未打扉徒滑澗中遊人履才  
沾磯上釣翁衣喜晴白鷺耕沙晚愁濕黃鶯出樹稀久旱



何其來且少天時人事兩相違

竹間清風

嗟異九秋吹鯉魚種遺上古簡編書微來叢表鳴篁立故  
着枝頭舞葉疎才子成圖常展紙農夫避暑暫休鋤淇園  
何日蕭蕭動孔聖聞之喜有餘

養蚕

西陵氏法下唐虞以後傳來萬國俱泥壁莫憂風落土採  
桑何嫌日烘爐才生紙面身微細覆育床中族不孤引出  
繅車鳴索索老人衣服豈云無

馴犢

農家物物一時齊供育奔忙東復西畜豕勤勞芟草豎養  
蚕頻送採桑妻廝間又有魁形大毛裏初生兩角迷馴導

野田來往處隴頭地勢度高低

端午

三夏之中節最佳清遊才士興無涯  
蘭湯何處傳荆俗筒飯誰家慰屈懷  
女子辟邪綵繞戶兒童作戲索橫街  
梟羹兼得鴛蒲酒吟詠此時喜我儕

打麥

大麥經霖色似灰打聲朝日隔窓來  
漂泊箕風明月夜紛紜梲影碧山臺  
雲心釀雨翻空散金氣成波滿地開  
從此田家生業遂豐歌不絕又携盃

圍棋

默坐不言似守真滿堂賓客盡青春  
勇心無異由奔衛奇計猶如睡入秦  
殘枰歷歷晨星列落子丁丁夜雨新  
此物

本非吾輩事巷居欲學昔顏貧

喜雨

平地忽成波浪文須吏慰滿作農群天無違節滋生物民  
願先公奉養君德裕府中人共樂東坡亭上客相醺豐穰  
元在知時雨屈指灌翁推數云

開城杜門洞書院初建韻

特書不二院祠門劃邑忠臣豈獨尊至性由中無可奈丹  
心以外復何存國生是事徒非運地得其名必有源一座  
奉安同享意千秋符合士林論

雪花

有物隨時摠自然循環理氣出于天難埋松葉班文雜通  
著枝頭彩畫連梨花散亂春歸院柳絮紛紜客去般萬象

換成同一色化翁解得巧機邊

春暖

循環天道又春時和暖東城日正遲  
柳眼初開經兩岸花心先動向陽枝  
懶弱老翁因就睡病蘓才子彊爲詩  
草木群生皆自樂流行一氣元無私

落花

三春如夢鳥空鳴花事今年又已成  
點綴餘痕朝雨濕飄飄殘蘂夕風輕  
才子頓無登畝意佳人何有出門情  
往者莫追來者續願將柑酒聽鶯聲

桃花

緩步東園放眼睛其花灼灼動春城  
箇箇含珠朝露濕重重裁錦夕暉明  
每因仙伴遊筇到始識化翁巧手成  
只怕

前溪風雨惡孰能扶此長時榮

觀俗離山

宿飽俗離發自棲達觀爲始太平溪天王峰下雲初歇慶  
業臺前鷲欲低巖上積巖巖怪大樹間接樹樹連齊勝地  
元來名不誕從知雄壯一湖西

隱瀑

半空石壁底危坐爽如秋隱瀑從何去聞聲不見流

閑時齋舍重建韻

先齋傾頽始重修經營來自幾春秋仍前基址廳容馬革  
舊樑榱財極鳩樓頭月上窓先照瓦角雨添零轉流閱三  
湘後工纔訖置酒無妨一日遊

梨亭祠初建韻

三賢祠院卓然成釋奠士林拜薦誠淵源學問皆同揆心  
性言論不異聲櫟榱圖畫山增色瓦壁新鮮洞益明八十  
定翁無恙老晚年精力在茲情

敏菴朴榮鎮先祖持平公友賢殉節後豎碑韻 二首

凜然高節與天長赫赫並爭日月光一時義氣盈還溢萬  
古忠心掩益彰爲國死生無所較忘身得失有何量精靈  
默佑真真裏子子孫孫恩雨滂

墓在龍崗片石成崢嶸特立表忠貞溪山動色烟雲闢洞  
壑增輝日月明大字煒煌傳後久美珉磨琢映過行羨君  
誠力無窮極永使祖先不朽名

聞慶茂林族先祖北軒亭韻

茂林山上屹然亭儼若精靈降北庭半夜景光窓月白三

春物色案峰青幽草閑花因有主深村僻巷始如醒龍州  
尋聞先生蹟儀範難傳但閣停

訪松雲族叔在英

短筇剝啄冶溪頭暮日寒蟬響似流詩欲驚人難易說酒  
雖狂藥可消愁雲岫千秋先卜宅稻花八月晚登樓主人  
學得董生業於讀於耕暫不休

訪星山南廷大

短屐逶迤披白雲野肴村酒好相分迎風松葉亭前見添  
兩溪聲枕上聞奔忙家事祇憐我存養工夫獨羨君病裏  
長談非善攝更期後日共論文

訪韓相基

隔居一嶺飽君才暇日行尋石逕斜離後相思憐夜月病

中爲快愛村盃許心林鹿還嫌去慣面庭猶不吠來未洽  
餘情因信宿微涼夕氣乾花開

春圃孔聖學晬宴韻

翁壽今回六一齡崧陽來照老人星早遊中國名觀慶晚  
事杜門享禮廳孝誠難堪風樹恨愛情最好衫衣形水複  
山重涯角地愧將燕軸累門屏

藍谷李聖錫晬宴韻

人間歲月夢中流髻髮如俄今白頭篤實工夫超士類謹  
淳言行服鄉州滿座詩聲驚眼句登盤珍味養身着甲子  
三千休莫道爲君此日更添籌

東山尹台鉉晬宴韻

有壽有由必有仁寬平德性出天真琴聲清雅青春暮衣



竹淵集卷之一

色母爛白髮新遐齡遠祝東方朔異彩近臨南極人君家  
景福無量大一子六孫日省晨

芝山李明求晬宴韻

弧矢昔年在此冬恨深風樹感生膏家室和平春滿宅第  
兄同會夜經鍾星來南極明光轉酒得紫霞佳味濃五龍  
學得前人行夜讀詩書晝務農

申星植家大人晬宴韻

蒼顏綠髮又危眉風彩粹然老不移琴絃調曲春回日棣  
萼聯芳雨適時追前吉夢熊兼羆筭後休徵鶴與龜積善  
家門餘蔭大從來景福世相宜

巨川族兄冕錫初度韻 二首

儀容清肅性寬平仁者元來壽必成趨過庭上詩書勸偕

老堂中笑語盈和氣東城春正好瑞光南極夜如明舉樽  
迭祝岡陵席將此燕言賀族兄

蒼顏綠髮好容儀誰道翁今六一時桑弧蓬矢初生事松  
鶴運龜後計為盈家和氣春光到滿座風流日已遲晚年  
景福無逾此諸子克肖老婦隨

楠溪申昌模初度韻

靜養心情六十春誰云仙藥在三神欲隨伯玉多年化願  
學顏淵三月仁同篋堂上聲相偕舞衫庭前色倍新不忘  
世世隣居誼為獻燕詞共衆賓

醉朝感吟 二首

年過六十一無成歎發窮廬悔自萌養親難得具甘旨教  
子未能向善貞精神漸若遮雲影鬢髮緣何作雪莖兒曹

詩

七

不識余心緒。稱說祥辰獻觥壽。  
浪度人間六。一生感懷隨處自然生。方知供養親先沒能。  
欲和順婦不生。雖存心上青春好。其奈頭邊白髮生。事業  
許多無所就。愧吾空作一浮生。

從弟經錫晬日

生長一家少。一年食時同。案寢衾連共。爲學業先君側相。  
與戲遊祖母前。公道人間無可奈。自科身上有何愆。世德  
吾門餘蔭大。昨今兩世設斯筵。

謹賀李明求忠北道知事赴任

幡然明府下車初。允協行藏名不虛。加額重望都市會。注  
心高仰士夫居。服習家中先世德。溫新膏裹古賢書。同在  
一鄉茂悅意。且將陋拙寸情舒。

楠亭族侄泰利六一初度詩

實淳德性出天真以道率循善養身  
早歲從師知識博恒時會友見聞新  
蓼芊盈箱人益壽梨楠卜宅里爲仁君家  
又有非凡瑞南極星光繞四隣

錦圃洪淳錫壽詩

生丁玄黹執徐辰慶福高門日有新老去  
修身誠善士閑來無事是仙人居在禾倉家  
潤實號爲錦圃德淳真五子七孫相獻後次趨  
第侄又親賓

族弟彰錫晬宴韻

強宴廣開四月時鶯聲鶯語日遲遲  
名譽動里仁先見和氣盈門福可知  
友愛尤深唐棣句孝誠全廢蓼莪詩  
偕老不衰恭敬意如賓相待案齊眉

李起遠醉宴韻

惟君德性實難名壽必由仁理自明南極老星呈異彩東  
城幽鳥送新聲棗花連結春方好蘭葉肥香雨盃榮華三  
箕五爭爲祝獻酒百杯醉禮成

申亮兩醉宴韻

六十一年初度辰慶由積善自今伸肌骨端莊非俗客鬚  
眉清秀宛仙人東城花發春光好南極星來瑞彩新世世  
同鄉相住義爲將燕拙祝辭頻

龜尾族兄聲遠六一初度韻

六十春光又一明老人星照嶺南城早起不禁風樹恨晚  
來難抑瑟絃情詩禮優遊經餘日農桑兼備足平生子孫  
爭獻無彊席爲誦殘篇賀族兄

松隱金正顯壽詩

今日伊誰六一春松亭村裏隱居人  
豐富身形潤以德隆  
高壽格得由仁偕老堂中琴瑟友  
共歡座上芝蘭賓五龍  
三侄爭相祝柳綠花紅正好辰

與松雲族叔在英共吟于楠亭族侄泰利家

黃菊丹楓摠是秋愛看物色又清遊  
富貴皆如雲散合毀  
響恒自水同流早餘兩夕風生樹靜裏  
夜深月滿樓主人  
與客從晨發木落霜寒鷄不休

與琅隱柳錫昫共吟于族侄泰東家

阻懷積歲幸今春談話終宵一味新  
愧我老來無事客羨  
君做去有爲人谷鳥送音時亦好  
岩花如笑興無貧逢處  
莫言分手恨更期後日吐情真

竹淵集卷之一

謹和朴敏菴榮鎮咏我先大人倩書墓文韻

幸賴吾君宿志成煒煌字畫適微誠名望不虛多見仰實  
言曾倦飽聞聲義之善手龍驚起蒼顏妙形鳥跡明後日  
幽堂寫刻石千秋萬世表先情

松雲族叔在英楠亭族侄秦利見訪連吟

二首

綠竹成林我有堂松楠二老自來陽酒難謀婦三盃罄菜  
易因兒一味香春光荏苒花遍砌月影婆婆水近墻憂園  
年豐深所願連天大麥日生芳

寒士布衣望七身行尋何擇主人貪喚醒起枕如前世蘊  
病看花又一春老松當戶風常健大麥連郊雨益新男兒  
逢處多成別別後相思遠樹濱

毅齋蔡鎮斗醉宴韻

君之德性出于天正直由中不事邊盈門和氣春方到滿  
室景光月復圓宴設大都人是海樂張高閣日如年妻子  
與孫兄弟在世間此外豈求仙

輓再從弟貫錫

性天心地自寬平萬事人間泡沫情山內舊庄鄉夢遠江  
南幽宅客愁生病未承顏埋及後哭難盡意痛留精旅櫬  
未歸當日恨泉臺之下怨斯兄

輓朴世鎮

來此聞公已化仙那知今我哭靈筵交情聚合能幾日握  
手分離未半年萬事人間如夢寐一身地下保安全與兄  
友愛尤深意何忍遽然永訣天

輓義城族丈光鎬



聞公乘化淚不禁回憶前情恍若今春風泉洞同文墨冬  
夜達城連枕衾花田右里賢人去俗谷新塋吉地深南望  
雲樹悵悵立湖上微軀嶺外心

輓退雲族弟學錫

惟君才質不尋常世道斯文大有望精工由得惺兼素真  
談源從允與塘性論明辨人爲歎時事深憂海變桑氣清  
數局緣何理二豎來侵在膏肓

輓義城族丈鍾善氏

門中長德漸凋零萬事淒涼八十齡月落空樑人寂寂春  
回古宅草青青清甬儀容難復見慇懃談話更何聽病無  
往問卷無及哭亦替書意未寧

輓素堂金先生

降生叔季禍相遭東海西山不獨高肯中節義堅如石洛  
下言論截以刀和聲瑞鳳鳴音樂嚴像俊鷹整羽毛從此  
吾徒無所恃奉承餘訓免皋皋

輓惺菴朴先生

先生道德實難名天地氣鍾降是精瞻容良玉成潤色卽  
座陽春漸暢情深在荒山河砥柱隱居草野世權衡遽爾  
一朝樑木慟腸推肝蝕淚縱橫

輓覺齋申泰求

同學梨陽十載間心如淡水德如山理氣尊崇暘谷子箴  
瓢思慕聖門顏墜失斯文憂悄悄卷七吾道淚潺潺素翁  
教導雖相得公乃爲賢我自頑

輓藥湖李禧承

各一往來始得知兩宵同席永相離五城暮雨公先去二  
月春風我獨悲頻不舒懷因作恨終難洩哭自爲誰端雅  
儀容無復見泉臺從此更留期

輓趙漢淑

出天德性不浮沉上世之人降在今勸後愈勤誠實意拜  
先無怠孝純心花庄古巷賢人去酒里新阡吉地深病中  
相別慇懃語誰識長爲永訣音

輓星山南廷大

聞公乘化淚難收卷墓未犇抽末由禾倉已作千秋別文  
里曾同二歲遊古宅夜深樑月白江城雨歇浦雲愁我來  
一哭君知否庭畔無人草自幽

輓義城族丈相鎬

高士今朝化作仙街童走卒盡淒然湖中秋月心相照嶺  
外春風意獨全花田別恨成千古泉洞遊情付一邊對顏  
地下能幾日白髮星星已暮年

齋村八景

院東綠竹

綠竹猗猗小院東春光不變氣常融貞節能從君子守嚴  
威便與丈夫同暗夜堪聽經細雨靜時可愛動清風何日  
鳳凰來食實使吾復見聖朝隆

山西老松

冒雪凌霜過大冬亭亭時秀立山峰身如偃蓋飛來鶴影  
倒清溪動似龍長舍風力聲常健獨帶春光意亦濃此下  
有誰童子問白雲深處不知從

石澗流水

晝宵不捨達于江可笑吾人十載紅春鳥帶金生色柳夜  
漁舉火遠明窓灌入秧苗多茁茁得添兩漲倍涼涼纔罷  
倦眠門外出耕沙白鷺去復復

露積青山

長揖向村永久立上重下拱共相奇  
門先見情如厚爲  
里防虛福自期春花遍樹香侵戶曉月當峰色滿帷人傑  
必從靈地出也應後日賴神祇

歸來朝暉

曙色依倚自翠微洞天開豁發明輝先照上峰雲忽闢次  
傳高樹鳥驚飛離家遠客尋歸驛擊鉢山僧叩掩扉早起  
精神收拾坐始知今是又前非

仙洞落照

招招舉網得川魚不覺殘暉掛樹除  
先看峰上明光照後及天邊暮色餘  
收笛小童歸路上詩歌遠客下樓初  
無多歲月如斯去徒然老拙嘆窮廬

魚隱歸雲

太虛一點過唐虞聖世之治復見予  
負樵可愛離還合採藥難分有與無  
兩來忽作千峰暗風起能成萬里驅  
自從石上紛紜出越嶺行人或失途

大王長烟

山如一字跨南齊一帶長烟眼際低  
日氣明朗還乍捲月光皎潔復爲迷  
人家炊爨應相合岳瀆氛氳亦久稽  
未知造物生生理扶杖逗遛戲一題

送定基義源歸嶺南

送人嶺下出山臺愛惜相分復一杯  
雪程存性行多滑雲樹含情鬱未開  
離處恨深心若失思時意切夢頻回  
逢別世間無可奈願言後日更期來

北亂後本邑鄉校重修韻

搶攘北寇亂吾東禍及先師淪壞同  
自古宣教興國學從今修道化民風  
經營多日成其事閱歷周年告爾功  
仁心仁聞行于政何患當時兩不通

金興培家大人六一初度韻

黃菊丹楓盡七辰廣開弧宴速親賓  
勤儉務農家贍富謹淳篤行德純  
真琴瑟堂上春情好蘭葉庭前雨意  
新挹來杞水釀成酒獻壽筵前進酌  
頻

與申商兩述懷寄示

分手別離幾十春  
羨君長作有爲人  
守遵心性前時舊  
埋沒頭身此日新  
世外物情皆富貴  
學中事業是清貧  
花朝月夕相思處  
偏愛儀形夢裡頻

歲暮日寒偶然述懷謹呈松雲族叔在英

蟄在山房獨坐筵  
自然懷緒竟無邊  
月照凝冰疑鏡裏  
風驅寒雪拍窓前  
居雖咫尺如千里  
逢未幾何近一年  
難成事業徒添齒  
歎發窮廬復奈焉

冬夜憶楠亭族侄泰利仍成此拙以備一粲

擁衾爆火坐山臺  
方極冬威歲色催  
野外凜風驅雪去  
窓前曉月潤霜來  
思切難成疲困夢  
懷題奚道白燕才  
表翁振動非今節  
更待明春共舉杯



除夕

流行氣序在於天除夕正朝一日前時刻便成新舊歲昏  
晨分定昨今年遊人到處多乘興旅客寒窓獨不眠隋楚  
俗尚難可曉沉香爆竹有何緣

輓族丈秦彥氏

門內長德漸逝亡向奉今哭淚潑潑用心鄉黨稱仁德行  
事朋儔頌善良琅城歸路春風好清邑遺家夜月涼人間  
八十雖云壽孀婦孤孫是奈忘

呈李承晚大統領生朝韻

星辰岳瀆氣無偏鍾此精靈降誕全日臨初度誰非慶歲  
及耄期願益延大勲恢復三千里餘緒奉承五百年應憶  
前時經歷事寒燈海館不成眠

丁山朴進陽醉宴韻

日臨初度節回春和慶策臻景福人休論古者三千甲最  
喜今翁六一辰瑞光南極星相照花意東城雨適新君子  
晚年無限樂賢妻偕老敬如賓

輓敏菴朴榮鎮

莘菴院中始得知如兄如弟四旬晷誠意褒揚先世祖篤  
心行訪近時師龍菴故里公何去狼臂深山我獨悲空床  
寂寞無人夜窓月依前影自移

逸齋洪鍾圭醉宴詩

德性真淳出自天仁人得壽理當然門上懸弧初度日鄉  
中提杖古稀年白鶴飛來歌舞地青山暎入頌樽筵君家  
景福無限好三枝玉樹一琴絃

族第箕錫晬宴韻

君壽今朝六一回親賓來會宴初開蹶足堂中萊子什點  
頭席上郭翁來無彊黃耆因成髮不老青山適暎盃晚年  
圓福多於此和樂同床共閣梅

義城族先祖槐軒公堅碣韻

堅碣在於冬月天經營誠意幾過年煒煌大字傳千古瑠  
琢貞珉磨四邊近山動色初晴雨遠樹生輝更闢烟分居  
湖嶺徒聽耳興起吾心最蹶然

輓族叔在冕

承訃驚心淚自重王京爲客一朝離浮沉世事隨時變追  
逐遊情與夢移月來舊宅人何去雪滿新塋我獨悲子孫  
哭擗相環立睥睨其中倘有知

申元植晬宴韻

生年萃甲再回齡綠髮蒼顏好像形和氣融通君子宅瑞  
光燦爛老人星呼吸神方仙有異清香羨酒客難醒一庭  
玉樹柯成六養得良村時立亭

與族叔松雲在英共吟

奔走世間眼莫開難逃科臼是庸哉滋生時物和風至挽  
止詩人苦雨來春雪雖寒多助麥山花猶早即看梅卜居  
深邃非徒隱可愛岩雲與澗苔

金鴻洙晬宴韻

萃甲重回六一春粹然風采宛仙人頌歌南陵詩聲好花  
柳東城日氣新慶家親睦和盈室接物仁慈德潤身獻壽  
子孫相拜席構呈燕拙賀情真

人回舊甲節回春春節和時吉在人向陽枝上花先發積  
善家中慶自新德性無非君子行鬢毛宛是少年身無彩  
樽前爭獻壽黥頭郭老坐如真

崔勉鎬晬宴韻

昔年弧矢又今辰先拜高堂白髮親張樂遵承程子訓班  
衣無異老萊身體心廣胖仁慈洽家室和平笑語新庭前  
玉樹三枝立應待後時良匠人

墨泉申存植晬宴韻

蓬夫桑弧舊甲春六旬有一又初臻月欲盈圓今上巳日  
方和暖最良辰肖孫孝子無憂客慈母賢妻大福人香山  
至道姑休說惟喜斯翁壽且仁

族弟大錫晬宴韻

和如春日壽如山六十一年初度還天道流行何有佳人  
生公道亦無聞友愛恒思司馬篤孝心倍感老萊班挹彼  
杞溪釀得酒獻樽席上子孫環

與琅隱柳錫昫楠亭族侄泰利共吟

居在東西最有情相從已久飽才名村深不害風塵闌地  
僻惟奇水石明殘花經雨山容瘦大麥如雲野色平歲月  
放焉春節暮願將柑酒聽鷓聲

輓族大父珮煥 二首

享得人間七十齡一朝離上帝廷新邱幽宅無加善厚  
夜長眠不願醒明朗月色誰同樂嗚咽溪聲我未寧殲露  
曲終人散後空山寂寂草青青

聞公乘化淚漣漣回憶前情夢一邊正直爲言隣里畏謹

嚴施教子孫賢苗雲有恨因成雨庭樹含冤未罷烟遠近  
賓朋來吊哭穿林落照夕陽天

金澤鉉醉宴韻

家行傳來實且真慶由積善壽由仁瑞彩南星明照北和風  
冬日暖如春後期願祝三千甲初度重回六一辰世間滋  
味君專得肖子賢妻大福人

李在龜醉宴韻

翁壽今回六一期高堂拜退色和怡友愛尤深司馬篤戲  
遊最好老萊儀福嫖月滿弦生日慶待春回歲暮時子孫  
第侄賢妻在樂事人間復有誰

謹和義城族人丹臯基鳳

年近七旬始識荆高齡况復過三庚百歲萱堂八耄叟肖

孫賢子振家聲

輓定堂金先生 二首

累年教誨忽如俄不覺今聞殲露歌事業先兄遺蹟畢典  
刑後學恨心多鶴洞雲歸殊羨麗鷹峰霧鎖未嵯峨人間  
九十雖云壽其奈斯文墜地何

文星昨夜落吾東士學靡宗涕淚中山樛額折人安做世  
俗漫陵日益窮古宅淒涼窓下月新塋蕭瑟樹間風教誨  
受恩罔有極欲奉餘緒盡微衷

輓族兄珠錫

痛哭淒涼澗水東今朝遽上玉京同萬事人間泡沫裡一  
眠地下杳冥中窓外月輪空自白山前霜葉爲誰紅七旬  
脆質無多日不遠泉臺語相通



晚李公俊熙氏

享得人間九一年忽乘大化作爲仙  
刑典守遵先祖戒琴書留與子孫賢  
攀家歡賦經過盡前日辛甘向說傳  
春來古宅公何去門柳空垂草自芊

儉巖書院重建韻

因賢首谷有名區祠院奚比勝地樓以仁以義扶綱紀爲孝爲忠警俗流  
近處溪山新動色半空雲月舊輝浮  
威德巍巍追慕切奉安次第享春秋

多安堂宋憲王晬宴詩

家法傳來世守真慶由積善壽由仁  
待士謙恭名益博修身儉約德愈新  
黃花九月重陽節白髮六旬初度辰  
四子兩妻相聚坐和順笑語酒三巡

族第洪錫晬宴韻

行爲方直德淳真修鍊精神正  
歸身慶積仁人人益壽和  
應吉日日如春時維九月黃  
花晚年及六旬白髮新子孫  
爭祝岡陵席將此蓋辭賀族親

謹賀趙大衍忠北道知事赴任

賢府下車未幾旬闡明儒道  
寂寥辰善良風俗從振作  
頽敗綱常更起新加額都民  
祈政治扶筇村老願情真俱  
尊  
蓋德兼文學始識巡廳有哲人

楸隱尹時鏞晬宴韻

歲回凋獻甲回先門上懸弧  
設壽筵舞彩賢郎祈不老頌  
詩親友賀無邊丹砂神術黃  
金化清範儀形白玉全吉人  
慶在良辰節柳綠花紅二月天

冽泉申萬休醉宴韻

花著瑤桃六一年請迎賓客設弧筵南極老星增異彩西  
方神佛得奇緣德若春山咸自樂福同望月便成圓事業  
人間都了盡閒亭顏卧愛林泉

戚侄洪淳業醉宴韻

君家以壽世相傳慶必由仁理自然芳園物色春三月高  
閣詩聲日半天新雨庭前蘭葉秀和風籬下棗花連名族  
巨門婚事畢閒居坐卧是神仙

族侄秦麟醉宴韻

性本仁慈德厚真始終如一六旬春獻壽子孫祈不老稱  
觥賓客賀無巡桑弧蓬矢回前甲漢柳山花值今辰祥雲  
瑞日君家裡瑤桃灼灼倍有新

申海澈醉宴韻

自前傳世德淳真積善之家慶必臻客來三月看花伴翁  
卽六旬酬酒人不老青山春又到無疆黃耆日維新孝子  
肖孫奉侍外賢妻和樂待如賓

謹和春崗金炳朝除夕韻

懷新感舊不成眠只恨霜鬢又度年信如金石從千古夢  
作滄桑付一邊節侯交易冬春日歲色判分朝暮天真理  
循環公道在人間萬事豈徒然

舍弟甲日

我今七一詆爾又再過庚史經虛負志風樹倍街情吾儕  
當悲痛兒曹設請迎白髮相依坐人稱難弟兄

龍菴朴章圭醉宴韻

仁人必壽理當然正直爲言不飾邊純心隣里皆稱頌善  
行兒孫可久傳蔣室動香蘭葉秀隔籬生色棗花連如吾  
譚劣漆姻列送此燕詞頌末筵

輓楠溪申昌模

代作

楠溪乘化已歸真卷墓祥晷未得臻雍容和氣春風暖清  
淑雅形秋月新白髮坐臨鄉黨敬青龜業守家室漆累承  
世德先生起霞隱鍾山後一人

輓族弟彰錫

聞君遽化淚痕班一去人生不復還丹旆素車今日路峨  
冠博帶舊時顏飄然鶴駕雲空外堅實牛眠土厚間蘂露  
曲終分散後青山寂寂水潺潺

鄭和馨醉宴韻

人生於世壽爲先富貴榮光摠在前東城花色春新到南  
極星輝夜又傳整鬲衣冠今白髮表籤詩禮舊青瓊飽喫  
亦其存數否聊將蕪拙送追篇

吳廣根醉宴韻

蒼顏綠髮少年儀公道人間六一期寶絃堂上清閑曲玉  
樹庭前茂暢枝居在雲岩方益壽從遊翰墨善爲詩少時  
學得神仙術修鍊精神養志思

輓三復菴韓章履

同門知己莫如兄久不相逢鄙吝生鄉尊齒德行無缺家  
教兒孫慶有盈村外溪聲因自咽窓前月色爲誰明永闕  
儀形今已矣臨風悵悵淚沾纓

韓相基醉宴韻

惟君德性出於天真實無訛守本然詩酒萃筵時近午笙  
歌高闋日如年慶積和平春又到福嫺盈滿月將圓子孫  
親族相爲壽不老青山影入前

竹溪書院重建韻

昭明義理揭吾東赫赫新祠六哲同虔誠安享千秋意遺  
躅長傳百世風街闥動色丹青外雲物增輝畫綵中抑鬱  
多年今復設循環天運亦無窮

族弟慶錫晬宴韻

結實瑤桃六十年與西王母有夤緣懸弧門外生辰日獻  
壽筵中近午天德行自持人盡仰學文爲業世相傳知君  
倍切劬勞感純孝由誠不飾邊

輓竹清族叔在薰氏

大耋人間九十春遽然今日化歸真修身儉約行無缺養  
志清閑德益純百劫風霜經歷盡一生甘苦向言頻二子  
五孫號哭地琅城四月綠陰新

直長先祖齋舍重建韻

突兀先齋煥舊基東窓朝日影遲遲瓦角雨零疑吓律軒  
頭月上易爲詩室堂方正新容美閭巷鮮明故態移每年  
奠掃封塋後花樹情談不覺離

小汀朴東箕辟宴韻

積善由來慶有所以仁爲本德爲基學禮庭前賢子過調  
琴床上老妻宜天回五月端陽節人到六旬初度時蒲韞  
瓊章相賀席愧吾燕拙一篇詩

族兄洪錫曰婚韻



積德之家福自天重回今日舊昏年宜作畫圖傳盛事不  
徒瓊韻祝華筵花燭復開情益厚老齡相對樂無邊催便  
兒孫連獻酒樽前兩座降神仙

鴈谷金仁卿晬宴韻

仁人得壽理之然德性純真稟賦天芳園物色春方到高  
閣笙歌日欲延友愛常思司馬氏孝誠全廢蓼莪篇互相  
獻祝岡陵席肖子賢孫羅列前

卞栢陰旌閣改建落成韻

先生至孝名奏達大明京尤翁爲墓表宣祖命門旌夜月  
當雕栢朝暉暎畫楹萬曆壬寅閣壬寅改建成

宋尤菴碑閣重修韻

天生夫子降吾東繼往開來大有功文章班馬同爲列道

德程朱上接通千秋不絕虔誠意萬世遺傳凜烈風多蒙  
諸尊追尊慕碑閣增新板蕩中

族侄秦東晬宴韻 二首

華甲重回昔日春群生自樂正良辰福全門內和先動善  
積家中慶益新質淳爲志行無缺廉潔持身德不貧肖子  
賢孫祈壽地族親婚友賀詩頻

溫和德性宛如春安穩經過六一辰稱觥賓客詩歌好獻  
壽兒孫彩舞新裕後法模修孝悌自先傳業字清貧舉家  
盡日欣然樂惟願吾門此慶頻

輓醒岩金丈宅珠氏

惟公遐壽必由仁悃福無華是善人爽氣忽離塵世客英  
靈應作玉京臣滿卷典文遺戒昭盈階蘭竹舊芳新悵惘

此生難復會杏花門外自爲春

燕岐郡東面老松里敬老堂韻

一名岾湖亭三首

軒堂精潔勝蒲茅月上岾岾照大郊溪山動色傍村里雲  
物增輝遠樹梢夏肇可觀鶯喚侶春來偏愛鶯成巢敬老  
將爲絃誦地後人何散復相嘲

蓋以瓦陶不用茅雨傷洞壑西臨郊近接歸雲閒出岾遠  
望淡靄自生梢湖深偏好觀魚躍松偃還疑有鶴巢樂水  
樂山仁與智名亭此義孰能嘲

心地從茲不塞茅豁然開眼注平郊瓦角雨過聲協律軒  
頭月上影生梢清閒逸趣如咸籍超脫塵累等許巢亭之  
久遠存於主正已無妨外有嘲

與松雲族叔在英楠亭族侄泰利共吟

峽裡元來半石沙三間瀟灑是吾家  
田野秋光先荳葉村閨夕氣是  
鮑花士會韻催因易拙客還酒  
盡最難賒相見幾何成數月從  
知鄙吝自生芽

輓族兄洪錫 二首

惟公壽德兩相因八十年間厚且  
仁遽然一夕驟驚去執紼吾生  
淚滿巾

有去無來是杳茫人間萬事倍  
淒涼莫道韻香從此盡盈庭  
蘭玉襲前芳

輓族弟周錫

居在同隣族誼連行爲兄弟我  
爲先七旬閒養能成德半載  
沉綿奄化仙素紼丹旌今日  
去青邱萃屋永年全墳墓  
既成人散後青山寂寂但啼  
鶻

題卞榮萬孝行事蹟碑堅立後

先世傳來以孝門自然天性理無昏獵肉餒餘供里老和  
濃糜飲感隣村從知瑞草其因本始覺醴泉必有源秉彝  
倫紀常遵守德厚流光及子孫

尚州郡外西面禮儀洞十景韻

孝峰霽月

雨後孤輪上孝峰滿山樹影入窓重布衣敬對經書丹黠  
坐潛心道味濃

國師清風

颯颯不寒不熱風宛是淵明北窓中問甬國師因得主勝  
名從此擅吾東

三嶺暮雨

暮雨紛紛過嶺三行人難得辨東南日昏雲暗如斯夕惟  
有杜鵑啼遠岑

九灣夕烟

火炊鬱氣是烏烟一帶長橫九曲川主人玩物消風立白  
髮飄飄八耄年

轎岩落照

明朗落照掛轎岩光彩穿林亦不冗餘輝布在高峰上山  
勢嶄崿益峻巉

金烏歸雲

金烏山上謾歸雲萬樹依倚日欲昏負樵兒子迷尋路採  
藥僧徒返入門

冷泉翠楠

梅楠含翠立於泉根托長堤草一邊美材每待良工手不  
願人間不死仙

清溪老柳

老柳青青碧水溪千枝萬葉覆長堤若叅陶氏門前立一  
代聲名與世齊

城西奇巖

奇巖重疊跨西城如虎如龍待日晴頭身已過前宵雨淨  
洗塵埃倍潔清

攀岩孤松

亭亭特立攀岩松獨帶風聲遠近通四時不改清陰節長  
得青青與竹同

謹次永同朴菊堂湖西樓重修韻

湖西片榜迥若浮重建先生故績樓暮雨簷零埋後麓朝  
輝棟畫暝中流人盡追尊無不敬士多慕仰競來遊勿替  
引之遵守意子孫是外更何求

與盧小西秉純共訪楠亭泰利家因宿共吟

小西遠訪峽之東聯袂行尋梨木通千峰花色今何去萬  
樹枝陰且不窮靄氣非烟還似霧早徵欲雨返爲風近日  
試看時俗變浮沉世事水流同

尚州按廉先祖墓祀參拜時道中感吟

年近八旬始省瑩後孫道理太爲輕非徒懶惰誠無有如  
是昏愚學未成獲莖聖竹天之感一片貞珉世所榮孝水  
孝村因我祖穹壤不弊永垂名

謹賀李成宰家大人六一生朝



五福之中壽最先世間不老是神仙日當初度家人慶齡  
過六旬大壯年琴瑟床邊夫婦樂詩書案上子孫賢尚陵  
爲祝相談地霞酒旨清醉四筵

江陵春圃崔仁澈八一壽韻

壽以仁由氣義剛高齡最喜是安康古稀七十嘗經過今  
度八旬無限量兄弟尤深司馬氏子孫不羨郭汾陽山南  
乳養曾王母自後崔門克大昌

輓松雲族叔在英

聞公乘化淚雙潸一宿何知永訣顏松谷文詞誰可任杏  
亭風月自多閒雖云彭祖延彌壽本是王孫去不還封築  
旣成人散後山容寂寞水聲潺

輓宋在愚

聞計當時淚滲灘病無一問此何辭  
網村暮雨公先去文里春風我自悲  
淒涼夜月徒任爾燦爛山花是爲誰  
晚來懸吊昭然立寂寞空床但下帷

輿楠亭族侄泰利韓相基吳泳甲共吟

丹楓黃菊正高秋借得葦筵暇一遊  
爽氣必從風入樹歸心姑待月明樓  
陋拙詩情雲散合是非世事水同流  
苦雨何其頻數下農家百穀最難收

輓溫齋李鍾萬

數年同苦素翁門我鈍兄才每警言  
時義尊華攘狄事心工背洛主湖論  
交情恒盪同人樂勁氣高過慨世昏  
追憶梨陽遊學日八旬歲月正如奔

族弟聖錫晬宴韻

蒼顏綠髮不老身廣開弧宴速佳賓福自嫌盈望後日壽  
宜居首歲初春三千可待將來甲六一何論值此辰賢妻  
肖子令孫在樂事人間萬福人

細履

元來善手不低高內面平均盡除毛美粧修飾常持木適  
用頻煩必以刀積成易購安期棗貯蓄可求王母桃不過  
時人多隱跡何妨大舜河濱陶

織席

一手扶持一手揚織機座上直橫長繩經交易迷分界草  
緯積來難度量臧家爭利緣何意許子爲行亦不傷爲民  
職事惟在誠巧作無妨獻帝王

謹次成均館丁未秋期釋奠後詩會韻

由來釋奠幾春秋亘萬年而不易流天生大聖善俱足人  
失秉彝難向頭破祠共產誰能討逆理卷亡我所求未忝  
拜禮徒吟拙百感多端豈易收

輓絅菴卞榮寅

同門畏友莫如兄承訃今朝但且驚雍容和氣春風暖淡  
泊精神雪月明學問析分湖洛說聲華不讓密膺名八旬  
晚質無多日不遠泉臺好相迎

輓道長齋朴元圭

五五光陰一瞬頃淒涼萬事燭風輕守儀故里賢人去基  
谷新塋吉地明遠近共稱淳質行鄉黨咸服至誠情後生  
先逝其何理望八斯翁淚濕纓

題趙炳天孝行事蹟碑豎立後

以孝名家又繼聲三年廬墓一心誠顏敗綱常從可起晦  
明天地復如明全邦褒賞千人諾數尺貞珉萬世榮生此  
烝民因物則秉彝良性是循情

宋淵齋文忠祠落成韻

先生卓犖起吾東扶植綱常警世同道學高明多著外忠  
心切至實由中千秋不絕尊崇日萬古遺傳凜烈風新祠  
初建牲犧潔儼若精靈陟降通

輓朴公聲夏氏

稟賦既殊自降初爲心寬厚德優餘事業謹遵先世蹟生  
涯增廣舊田廬寒風蕭瑟新塋域明月淒涼古宅墟八十  
人間如夢裡數聲穢露送靈車

江坪朴冑榮晬宴韻

柳綠花紅正好時懸弧門外吉祥垂慶事必從爲善宅春  
心先動向陽枝天上自然真有理人間公道本無私子孫  
賢第稱觥地滿輶瓊章盡賀詩

輶族第大錫

修德行仁己七旬一朝奄作古時人案上詩書誰課日庭  
前花草自爲春隔窓流水聲多咽繞屋青山色似頰君雖  
去矣餘芬大蘭葉竹芽盈砌新

族侄泰關晬宴韻

門右懸弧宴廣開賓朋遠近一齊來無彊黃耆徵先首不  
老青山影入杯啼鳥落花春已去歌鶯新柳夏初回頭童  
齒豁君知否歲月如流白髮催

甥侄金寬濟壽日

老人星色自南天瑞氣光明粟里邊世德桑村萃闕大族  
望喬木舊家傳二子趨庭詩禮動瓊孫繞膝竹蘭連今日  
當悲風樹恨想應全廢蓼莪篇

卞鍾泌慈母影幘閣落成韻

思

影堂高起飛鴻東粟賦秉彝世所同恩深永慕千秋意切  
長存百世風行事奔忙常在外孝心純至實由中人放極  
盡多成就天地神明亦感通

梁省齋政煥六一生朝韻

舊甲重回己亥天門上懸弧設斯筵好雨知時蘭葉秀方  
春和節棣萃連賓朋爲賀無量福子侄惟忻不老仙釀得  
紫霞人盡醉詩聲高閣日如年

尹起五回婚韻

積善由來慶自天  
回婚席上兩神仙  
花燭復開情益厚  
醮盃又設樂無邊  
別寫畫圖傳以後  
非惟歌頌悅於前  
八十此生衰氣力  
未忝盛宴送殘篇

草漢君祠宇重修落成韻

祠宇重修首谷東  
落成今日始竣功  
爲國靖忠尚父節  
廢王奮義霍光風  
山川生色屏岩內  
雲物增輝柿洞中  
永久子孫追慕意  
引之勿替世相同

長子泰赫壽日

三世吾家有此筵  
從知先德自來傳  
親馭感多風樹恨  
第亡憎見棗花連  
善良都在中心內  
壽命皆由上帝前  
又有 一生深戒者  
置身無過是爲賢

謹次小棠族叔在弘氏年譜原韻



詳審出言介潔身隱居東谷遠器塵治躬修整三加省慨  
世便嫖一任真暮讀朝耕勞且困樵山漁水苦兼辛陋巷  
簞瓢安分處顏淵之學董生仁

從侄泰一壽日

舊甲重回六十辰衫衣斑爛拜慈親琴瑟相和諧老地墳  
筮迭唱怡愉人賓客頌稱詩一軸子孫壽祝酒三巡祥雲  
瑞日無加慶花柳春光又適臻

輓琅隱朴文圭

雍容和氣宛如春接物持身厚且仁八耄餘年塵世客一  
朝今日玉京臣賢哲云亡邦國瘁箕裘承襲室家溘公去  
莫言遺韻盡滿庭蘭竹倍生新

甥侄金世濟壽日

桑村華闕古家聲德行傳來世守成早起不禁風樹恨晚  
來最喜棣花情冬日如春和氣動南星照北瑞光呈門上  
懸弧今設宴賓朋滿座酒盈觥

輓族弟鴻隱箕錫

聞公乘化淚沾巾痛哭淒涼動四隣淳厚仁心無彼此貧  
寒產業守清真如露浮生還似夢歸雲往事忽成塵洪谷  
主人何處去空庭花草自爲春

韓仁教壽筵

代作

弧宴廣開送四隣丹楓黃菊盡三辰獻壽子孫祈不老頌  
詩朋友賀無巡慈惠溫良皆本性清閒介潔出凡塵晚年  
圓福難如此琴瑟中堂韻致新

輓族侄楠亭泰利

我與楠亭長一年長爲後逝少爲先明春花鳥愁心裡前  
日詩樽夢想邊萬事人間沆沫影微軀地下永安眠八二  
殘生何可久泉垓不遠好相延

誄族侄泰日

君自妙年髻髮時梨陽鴻北往來隨楷書早與絢菴學湖  
洛曾聞素老知群兒閨裡青孀哭八耄堂中老母悲君之  
逆輓我宜當事倒何其我誄辭

族弟東錫壽筵

庚戌舊年即是年周而復始又今年桑弧蓬矢追前日松  
鶴遵龜算後年休言古者三千甲最羨斯翁六一年子孫  
弟侄相祈席暎酌青山無限年

竹澗集卷之二目錄

書

上素堂金先生

上惺菴朴先生

與李達榮

與毅齋蔡鎮斗壽筵

答鄭和馨

與義城族人丹阜基鳳 二

與族叔松雲在英 二

與李叅奉錫永

與李浩百

答義城諸族人

竹澗集卷之二

目錄

竹淵集卷之二

與清州郡守徐廷國

與宋應執在寅

與忠北道知事趙大衍

答族人慎菴申熙聖

答毅齋蔡鎮斗

竹澗集卷之二

書

上素堂金先生

久未承侯下懷伏慕與歲俱深鍾煥便蒙賜手教存撫甚  
至反側伏讀不知所爲伏審矚嚴極道體候益享康寧以  
副多士山斗之望庇下諸益薰陶所暨三餘之工想必多  
大矣欽羨不已門下生省事依違私分之幸莫此爲大自  
違侍右烏頭之效漸至無力恨不能以時供掃耳魯論前  
月了畢而繼讀鄒經然但賦性昏愚凡所讀書逐句受教  
如童蒙然有何所益下示中書社諸君輟業賦別懸吐作  
詩以識學力進否而伊時來汝之教曷敢不承命也餘在  
明當進謁不備上達

竹淵集卷之二

上惺菴朴先生 癸亥至月日

一違門屏歲忽暮矣尋常慕德之忱安敢不寤寐於春風之上伏不審此時道體患候化至快復否遠慕伏祝小生杜門奉親之暇將欲溫故而頽惰之習細累之冗相爲纏繞靜日常少動日居多未免下流之歸每切浩歎况且弟與兒等氣質懦弱資稟愚魯常以上頁先生教誨之恩下失朋儕麗澤之益私自爲慮矣然勿以棄材爲嫌時時警督使之得蒙時雨之下無物不育之恩則千萬幸甚就白小生之家門運不幸喪變連疊季從嫂喪在於庚申之冬季從弟喪又在於辛酉復月伯從弟喪變出於翌年之正月季從嫂之喪季從弟當爲主季從弟之喪則伯從弟且爲主伯從弟則從姪主之然季從嫂主改題當在於季從

第喪期之後歟抑在其三年之後乎若改題則當以從姪  
爲主耶且季從第主之改題似在伯從第大祥之後然至  
其期而三年祥祭之間當以無祝行祀乎抑亦從姪爲主  
而別有祝辭乎此乃變禮之大者而考之禮經亦無所據  
明賜鑄誨焉餘伏祝道體候保重以副斯文之望

與李達榮

省禮言千萬夢想之外尊先君藥湖公奄棄色養承訃驚  
怛不能己己竊惟孝心純至思慕號絕何以堪處幸須彊  
加䟽食節哀順變俯從禮制無至以孝傷孝焉况又日月  
不爲孝子留大祥在通孝心孺慕益復如新矣不審至泣  
尊萱堂氣力無至致損於視奠之餘哀棣體事神護萬支  
否區區至祝損下惟幸兒曹無警耳第念當初姑侯時事



之稍定欲與清安居金澤鉉俱進靈前慰哀伸哭而道路  
 修復且老去人事多不孚情罔能如意是豈情誼乎只自  
 顏駢而已輓詞數句忘拙搆呈倘無爲累於先府君盛德  
 清範之下耶餘神昏手戰不宣謹狀

與毅齋蔡鎮斗壽筵書

年望古稀日臨初度德門慶祥無以爲諭三庭棣萼二枝  
 玉樹獻觥交錯子婿相互一門欣抃四隣遺賂無彊壽耆  
 景大福祚想應允哥於心喜懼兄之與我髻髮相遇同塾  
 共學同隣共住兄之爲行惟善是取言溫氣和不形喜怒  
 兄賢我愚兄才我駑雖然不棄逮此衰暮情同膠漆一不  
 相忤前此慶日華翰先布適因事撓有意莫赴一日飽喫  
 其亦有數頌禱今日搆此字句文短意餘百不一具忘拙

而呈尙無德汗未及寒暄只祝情素

答鄭和馨

路上相面旅中又書喜若趙逢楚救仍承審在旅體事萬  
重慰湘區區不任遠禱第憤劣如昨第所托紙物代近日  
窮村錢政太艱未副盛意折其半額而送呈從時勢依金  
錢質來似好然遠行極難中如是呈勞還爲不安餘視務  
從速返旆利稅不備謝禮

與義城族人丹臯基鳳

春間一別此心悵惘如物在喉冬雨連日此是大寒之先  
報也伏惟際茲萱闈定省之暇啓居候益增清福所內邑  
龜僉族俱爲晏重譜寫將至何境否傾邇且祝族從感氣  
一病過了三冬只自良憐日昨承見龜尾元植書則樂善

堂又設譜所掛者板附泐錄云如此則豈謂大同譜乎都  
是鵝洲君承繼故也鄙泐之乙亥譜貴泐之丁丑譜皆以  
華海師全傳爲信蹟然今見華海師辨誣錄則皆誤矣依  
舊譜自壯節公以下至鵝洲君記載上系以戶長公起一  
世正正之義也如此則鵝申之本蹟自在攷譜事實自在  
與呼宗未爲不可回無障礙何乃以先輩之不見信蹟而  
不敢者今欲爲之與一邊族人永爲圭角耶翼煥之於先  
祖之事甚爲穿鑿明辨不然翼煥之失也陶窩公之金魯  
定家攷譜時但見萬姓譜越張間錄未見原文故直徃平  
山家見其譜則無分泐處疑意莫甚特著卷端以待信蹟  
云詳審周密之意也使翼煥責其失而取其自來正正之  
義蕩祿前心渾合和同一無遺漏同心戮力以成七百餘

年未遑之大事第一好好事也彼何人也我何人也同是  
 以祖先之子孫明祖系而已豈可有一毫私意於其間哉  
 若不如是而各立譜所此非大同譜也又非派譜也天下  
 豈有無名譜乎丹臯族元年德俱尊文學深邃非但邑派  
 可爲全宗典文衡如此重大之事或有所誤則豈不專主  
 其責乎凡事便從尚氣上做去固非沈愛容衆之道也願  
 丹臯勿爲泛聽而廢重焉古語曰智者千慮必有一失愚  
 者千慮必有一得又曰狂夫之言聖人擇焉何不返思而  
 卒成大事乎如是則宗親和睦義理自在義理者無一毫  
 私意光明正大如青天白日人人得而共見之者是義理  
 也深思而諒處之如何餘惟冀兩所相合以敦大事不備  
 禮

答丹臯基鳳

瞻仰之餘獲承翰命感喜之心如奉一晤謹詢書后數漢  
回大萱堂患候達復天和侍奉外經几動止以時增重旋  
切仰頌不容名諭族從感之餘戒尚未盡祛恒作罔罔之  
人而轉頭問感云暮矣一無所成就而徒添賤業符到無  
幾只發窮廬之歎將復何及就示喻謹悉而載於上系則  
不爲得貫之祖耶記載上系以待信蹟可也至於承繼義  
理所關但有疑意先輩所不敢爲也大抵觀其是非察其  
是中之非非中之最叩其兩端折衷之乃可以歸正矣來  
書於何有見而謂之在長公一世正正之義云愚意則今  
於翼煥尤覺前非矣勿論戊申己酉乙亥丁丑都是攷譜  
後無信蹟承繼故也翼煥雖有失亦讀書而稽古窮理之

人也若有明文可據之蹟雖百翼煥扇動終歸於罔兩之  
行白日而不足憂也不然則今日之又所欲爲者此豈非  
重誤前誤乎終不免膠粘假合而非但今日之翼煥也又  
有具眼子孫質其理由則無明信可答之辭而將來之弊  
不止今日矣故愚意則還不如責其失而取其先輩不敢  
之義一無遺漏而以完大事此非正正之義乎具氏譜則  
攷譜日記不載乎回路逢一老一少問其姓則乃具氏也  
金魯定家攷譜云爾則與吾家所攷何可少異此不足爲  
信蹟萃海師全云淑有二子一曰益保二曰益休萃海師  
何以言及於戶長公耶辨誣書觀其父子爲兄弟則可知  
其不爲信蹟矣有何置疑於其間哉乙亥譜自身序文之  
地又何異議也此不可有聞於他人也云此其不然自身

所爲之事雖有誤矣終身不改乎然則聖人何有遷善改  
過之言朱書何有早晚同異攷耶隨其知覺隨處改之惟  
善是取當然之事何有不可使聞於他人也何有千千萬  
萬不當之說耶一爲祖於此一爲祖於彼子孫道理上不  
當云此又不然未見信蹟前爲子孫道理上慎重詳審之  
意當然之事何謂不當然耶若不當承繼而承繼則祖先  
在天之靈豈肯曰余有後乎隨衆歸一亦一大爲貴云如  
此重大之事隨衆歸一可乎知事決定可乎不知此個道  
理云指隨衆歸一而言乎別有明文可據道理乎風一邊  
雨一邊晴寒無期吾宗傳來之悖習云然則從其風打浪  
打如作粥飯然爲之可乎慎重爲之可乎使翼煥不爲和  
合而置之度外一單方符云然則其人便作木偶人樣而

坐於一邊視之耶元植誘入乎引黨中云亦有一點之明  
者也何其容易言之耶非但二人爽鎬必不應從矣三人  
所系戶數豈止數十戶乎彼一團成譜吾未知用貫何許  
云攷譜以前別有他貫耶此則直不過尚氣衝突而已收  
單金於貧寒殘族欲成是非一偏之譜是誠何心哉設使  
三人寒微不分明之人則己以若虎溪后孫梧峰宗孫安  
東派宗孫不入譜而獨爲大同譜乎如此則雖得成譜是  
爲一偏之譜而宗族不和矣豈不寒心哉愚之所言雖若  
傷直恐不至於大悖深諒處之如何餘惟冀相合以成圓  
滿不備禮

與族叔松雲在英

前書想必入覽矣厥後日富族中觀玩候循序保重所內



諸節一一均安否類誦且禱族侄碌碌如昨而區區歲晏之懷奚足道哉譜事叔主下去以後將至數月而無一字半語之相通浸浸然入於是非一偏作爲未決之譜可歎日前承見元植書今月十四日又設譜所於樂善堂云是豈大同譜乎昨日專此宗會不爲和同而兩立譜所清州則一無干涉而永不爲譜之意決議閉會下諒焉後又有具眼子孫則將不免簞糠眯目之責矣若不然則持叔單決然上來以免此責如何多少說話丹臯書備之矣叅者似好近聞平山譜所事則自見辨誣書後中止譜事是非紛騰云吾申之不與合幸之大幸也定基義源處未得各候以此傍通如何欲言者多而座擾都留不備禮

答松雲在英

歲聿云暮寒事方劇際茲謹承惠書慰如濯清更詢數宵  
回旅中起居一例增旺頌禱願言族侄姑保昨狀耳就上  
系事不在多言兩言而定之矣以爲得貫之祖而無信蹟  
承繼者私心所係也無信蹟不敢者義理所係也今之是  
非惟在兩間而已私心爲是乎義理爲是乎以此推之則  
中間譜無信蹟承繼誤乎不誤乎丹臯書中年各派譜不  
謀中雷同者此亦無理之說也有信蹟雷同可乎各其私  
心雷同可乎雖然鄙之所謂誤者但指承繼之誤而何譜  
數百帙譜牒耶且各派狀碣金石之文盡皆破壞削却云  
載於上系則絕非吾祖耶何其深於一節之甚也今觀樂  
善堂派任錄則五十餘名三人所係戶數將至百餘戶鄙  
之所見絕不知族叔注意之如何也所聞所見每每相違

若是則何謂全宗歸一何謂數十戶乎清州諸族爲此宗會兩所不合則以決不爲譜之意持叔軍上來云而晏然坐之以是非一偏之譜認爲大同譜此其可歎者也義理者萬古常存也私心者不過一時也故千人之諾諾不如一士之謗謗是也幸須十分諒處如何如何餘匪久而陳不備謝禮

與李叅奉錫永

別來積歲未逐一晤悵悚交摯伏詢新正靖養起居近新增重允妙次第安省寶眷均禧頌頌且禱生憤劣此狀又添一齒良覺自憐就年前生之先考墓文寫來中少有未洽處欲以更寫之意冒廉仰告老來書役雖甚爲難然勿以煩勞而外之副此微忱之懇切千萬顯望餘在兒子口

達不備禮

與李浩百

一面以後音信經歲阻隔景仰之懷日益深切謹未審仲春艱事萬重允哥安侍所內諸節一一均迪耶爲頌且禱弟表顏如昨第東國氏族攷近果勝寫已畢而將至刊出耶未知甚鬱若未刊出則我申之入錄諸位諱啣一一無漏以勝寫次第抄送于此便切仰恐或有誤其世次則欲更爲訂正矣自餘忙且擾不能盡懷統希崇照

答義城諸族人

歲改朔更懷仰之心無日不切際茲連名萃函忽墜床頭忙手披讀慰喜之情無異合堂同席謹承審春仲僉體候茂膺多福實愜區區頌禱族末表顏之狀去去益甚豈足

奉况就示意謹悉而大抵譜有二則非大同譜則派譜也此則不然各派相半混淪有祖入而孫不入者有兄不入而弟入者外雖爲族親內不如路人是名爲何譜而似近於同意譜然自古及今嘗不聞有同意譜也此不可使聞於他人而實爲吾申之慨然寒心者也若龜派諸族更思一層級入爲譜則吾派何爲不從耶清州則將欲期於文松兩派相合爲清州派譜爲計然未知將來之如何而實難實難又若不然則但爲文博派譜只守先蹟苟傳家牒而已別無道理也以此下亮如何餘不備謝禮更冀各自保重加愛

興清州郡守徐廷國

歲前暫奉殆若夢境謹詢新正令監體節迓新清謚庇下

諸度俱為吉祥否頌禱區區不任願聞劣狀日前往返餘  
憶尚未打疊老去人事良覺自憐第控孫兒前程委托於  
令監還而思之人情道理此心不安且無物不誠故以若  
干米肉以伸此情遣孫完植茲以仰呈勿謂物薄而外之  
千萬切仰餘姑留不備禮

與宋應執在寅

家門凶禍客臘奄遭舍弟卷變誼當計報而住所未達尚  
今不能適因再從孫俊兒便茲呈安否數字矣謹問歲改  
月移經體事以時珍重允哥安侍寶覃均禧溯仰不任暮  
服生惟幸他眷之無警耳昨秋往飛鴻下網菴家獲見尊  
先府剛窩丈文集精審周密大君子格言至行盡在於此  
而尊兄褒揚先德之誠亦不淺微欽羨不已惺菴先生墓

中國書局影印

書

九

道今春碑碣石床始得豎立多士來會而江陵沈洪氏諸人致祭來叅矣自餘惟冀保重加愛副此懸仰

與忠北道知事趙大衍

向因素堂金先生事暫見閣下接人處事之道一言可決門無停客何其明敏果敢耶大官之莅民治政始可見也今當望八之年坐於堂皇之上左簿書右法律若心勞力而不得休或有少暇則衝寒風冒烈日巡察列邑而不敢怠勸民之善而徵其惡興民之利而除其害何其壯耶此真馬援所謂老當益壯者也爲之健羨健羨伏惟春寒尚峭閣下氣力無損於視務之餘否區區頌祝生惟碌碌如昨耳竊有問議事日間越候爲計諒燭如何餘不備候禮

答族人慎菴熙聖


瞻仰之餘獲承翰命慰如濯清瓊手擎讀滿幅繾綣之意  
 覩縷之情溢於辭表令人感眊至於璀璨極絕高岳巨海  
 之說其族親之地對症投劑可也譽人過實豈無損失於  
 盛德之下耶還爲愧慙無地次讀序文文章華麗脉絡貫  
 通山高水長之風始可見也又觀詩文體格精麗宏偉意  
 思汪洋犇放令人吟哦自不覺牙頰生香實爲我模範詩  
 也歆羨敬服更不審書后有日朔餼又更在旅經體節循  
 序增旺本宅安信次第承聆否爲頌且禱族末歲暮山窓  
 將添一齒而頓無馬援益壯之志徒發孔明窮廬之歎歎  
 何可及惟幸家內之無警耳所謂十景記得無盡蛇添足  
 之責而倘不莞爾而笑耶餘在惟希種種得聞安節不備  
 謝禮



答毅齋蔡鎮斗

春間清州市上暫別殆若夢境而別何速也逢何遲也此是八旬殘生抖擻不得故也說之何益哉謹詢承書日富靜養棣體節循序康健允哥安信種々得聞否頌禱區區不任第將於鬼關符到未幾何足道我就所送號記謹受而攢賀萬々就辭意比之韓昌黎此何言也譽人過實得無損於威德之下耶昔蘓軾自己文章於心自足而恨其無人發薦者其時王安石一國宰相一代文章德位莫重無論某人見其稱許然後乃可以發薦軾往見欲討論去路渡江舟中有一小童出一丹子示之軾受而見之其書曰山谷老虎負男子於穴內不食而以交尾爲事號男子爲如意公一日老虎將爲外出托其子虎曰善保如意公

一日老虎將爲外出托其子虎曰善保如意公幾日後入於穴內如意公不在問曰如意公安在子虎答曰我已啖而含之軾見之此何書也投丹於江中去安石安石初問曰如意公安在軾答曰我已啖而含之安石內意如此奇文僻書我獨知之彼已知之真文章也補許不已舟中小童神童也先知安石之問示其丹於軾也非神童軾何以發薦文章也然則吾兄倘作神童爲弟發薦字餘惟冀千萬保重不備上謝禮



竹濤集卷之二